

Aisea e Taua Ai a Tatou Taumafaiga Silisili i le Tausinioga mo le Malo Selesitila

TUSI LESONA SEMINARE O LE FEAGAIGA FOU

Mafaufau faapea o se tasi o au uo e le manatu o le tausinioga mo le malo selesitila e taua ai mea uma e manaomia.

Saunia se tali puupuu e mafai ona e faasoa atu i lau uo e ono fesoasoani ia te i latou ia malamalama o le malo selesitila e taua i soo se taumafaiga e manaomia e ola ai i le talalelei. Atonu e te manao e faaoga nisi o punaoa nei ma tali fesili nei e fesoasoani ia te oe e saunia ai lau tali:

Na aoao mai Elder L. Tom Perry (1922–2015) o le Korama a Aposetolo e Toasefululua:



Ou te talitonu a mafai ona tatou fatufatuina i o tatou mafaufau se ata manino moni o le ola faavavau, o le a amata ona ese a tatou amio. O le a le manaomia ona uunaia i tatou e faia le tele o mea e aafia i le tumau ai e oo i le iuga, e pei o le [aunaga], auai i a tatou sauniga, o i le malumalu, ola i ni olaga mama, faia o a tatou tatalo, po o le faitauina o tusitusiga paia. O le a tatou mananao e faia nei mea uma ma sili atu ona ua tatou iloa o le a latou saunia i tatou e o i se mea tatou te moomoo e o i ai. (L. Tom Perry, “O Le Talalelei a Iesu Keriso,” *Ensign* po o le *Liahona*, Me 2008, 44)

Faaaliga 7:13–17

Faaaliga 21:22–27

Mosaea 2:41

Mataupu Faavae ma Feagaiga 76:51–52, 59–60; 69–70

Mataupu Faavae ma Feagaiga 130:2

O nisi o fesili nei e mafai ona fesoasoani e taiala ai ou mafaufauga a o e mafaufau i lau tali:

- O le a se mea e faafiafiaina ai oe pe a e mafaufau e uiga i le ola ai i le malo selesitila?
- O le a se mea ua e aoaoina e uiga i le Faaola e faaosofia ai oe e mulimuli ia te Ia ma taumafai ia maua le malo selesitila?
- O a ni aafiaga na oo ia te oe faatasi ai ma le Tama Faalelagi ma Iesu Keriso e faateleina ai lou manao e toe mau faatasi ma i Laua?
- Na faapefea ona fesoasoani lo La alolofa ia te oe e te lagona ai e mafai ona ausia le malo selesitila?